

Mehmed Bradarić

DELEGAT U DOMU NARODA

Sarajevo,08.05.2013.godine

ZAJEDNIČKOM KOLEGIJU OBA DOMA

INCIJATIVA

Za osnivanje istražne komisije za provjeru indicija i tvrdnji u Upravi za indirektno oporezivanje koje se odnose na finansijske izvještaje kao i odgovornost i kodeks ponašanja zaposlenih u ovoj instituciji.

Obrazloženje

Uprava za indirektno oporezivanje je za 2011 godinu od Ureda za reviziju BiH u dijelu finansijske revizije dobila mišljenje s rezervom, a osnov za ovakvu ocjenu je neusklađenost broja i strukture zaposlenih sa Pravilnikom o sistematizaciji radnih mjesta, zatim neblagovremenost i netransparentnost javnih nabavki, nenaplaćene carinske i porezne obaveze kao i prevelik broj sudskih sporova. Takođe, u vrijeme hapšenja jednog od uvoznika tekstila u BiH samo jednom akcijom u samo jednom mjesecu fokusiranom na prikazivanje uvoza tekstila uvoznici su iznenada mjesečni iznos uplaćenih dažbina uvećali za 36.000.000 KM jer su mnogi odustali i od zamisli da urade nešto nelegalno, što ukazuje na to da su imali podršku i blagonaklonost zaposlenih u Upravi za indirektno oporezivanje.

Poznata je činjenica da se fiktivnim firmama koje se bave fiktivnim izvozom na ime PDV-a samo u toku jedne godine izvrši povrat nekoliko stotina miliona maraka, pa i te indicije ova komisija treba provjeriti. U nedavno izvedenoj akciji kodnog naziva "Panama" uhapšeno je 11 carinskih službenika koji su oštetili budžet BiH za više miliona KM. Posjedujem pismo koje je šef carinske ispostave Brčko uputio kabinetu direktora UIO BiH i odjeljenju za internu reviziju u kome on upućuje na nedozvoljeno ponašanje odnosno koruptivno djelovanje jednog od pomoćnika Sektora carina, a na koje mi parlamentarci moramo reagovati. Dakle, dovoljno je razloga što pokrećem ovu incijativu i mislim da Kolegij oba doma mora odmah reagovati njenim prihvatanjem

DELEGAT

Mehmed Bradarić